

新昌 呂安世原輯  
紹興 蔡東帆增訂

六冊

# 中華全史通俗演義

上海大東書局發行

中華全史通俗演義卷六

新昌 呂撫 安世 原輯 紹興 蔡成 東帆 增訂

第三十三回 康王構仗名將偏安半壁

詩曰 鐵甲將軍夜過關。馬蹄到處骨如山。氣高無奈烏江阻。色重方知蜀道難。

長夜酒能傾社稷。瓊林富不救飢寒。若將四堵牆推倒。海晏河清日月閒。

詩曰 物換星移幾度秋。烏啼花落水空流。人間何事堪惆悵。貴賤同歸土一邱。

卻說北宋徽欽二帝被擄。金人立張邦昌為楚帝。張邦昌不敢居。先迎元祐孟太后入居禁中。垂簾聽政。又遣人至濟州。迎立康王構。丁未五月。王發濟州。至應天府。張邦昌來見。王慰諭之。命築壇於府門之左。王登壇即位。大赦改元。是為南宋高宗。高宗慟哭。遙謝二帝。是日元祐皇后在東京撒簾。遙尊靖康帝為孝慈淵聖皇帝。遙尊母章氏為宣和皇后。後尊為太后。遙立妃邢氏為皇后。初徽宗生帝時。夢吳越王錢鏐入宮而生帝。後都臨安。壽八十一。與鏐同。又為康王時。遣為質於金。以射矢連中金。疑為將家子。遣還換質。既而得實。悔而急追之。高宗因奔走疲倦。臥崔府君廟中。夢神人醒之。曰。金人追將及。可速去之。已備馬於門首。高宗驚覺。馬在側。遂躍馬南馳。既渡河。馬不復動。視之。乃泥馬也。高宗以李綱為相。李綱請罷張邦昌王爵。安置潭州。及受邦昌偽命。臣僚王時雍吳玠莫俦孫覲等有差。封贈諸路死節之臣。還元祐黨籍。人官爵。遣宣議郎傅雱使金軍。通問於二帝。且致

書於粘沒喝。時議定都之所。李綱言關中為上。襄陽次之。建康為下。請先幸南陽。以收人心。而黃潛善汪伯彥阻之。上遂決意東幸。如揚州。綱所陳論。其言切直。帝初無不容納。至是惑於黃潛善汪伯彥之言。常留中不報。綱因求去。遂罷綱提舉洞霄宮。綱罷。凡綱所規畫軍民之政。一切廢擱。而國事不可為矣。前太學生陳東布衣歐陽澈上書。乞留綱黃潛善汪伯彥。以語激怒帝。言復將鼓衆。帝斬陳東。歐陽澈於市。天下冤之。立沿河沿江沿淮帥府。以宗澤為東京留守。知開封府事。時敵騎留屯河上。金鼓之聲。日夕相聞。而京城樓櫓盡廢。兵民雜居。盜賊縱橫。澤威望素著。既至。捕誅盜賊。撫循軍民。修治樓櫓。屢出師以挫敵。有王善者。河東巨寇。擁衆七十萬。澤單騎馳至其營。泣謂之曰。朝廷當危難之時。使有如公一二輩。豈復有敵患乎。今日乃汝立功之秋。不可失也。善感泣曰。敢不效力。遂解甲降。又有楊進丁進楊再興李貴王大郎等。各擁衆數萬。往來京西淮南河南河北等地。抄掠為患。澤悉招降之。於京城四壁。各置使以領招集之兵。造戰車千二百乘。又據形勢。立堅壁二十四所於城外。駐兵數萬。又沿河鱗次為連珠砦。結河北河東山水砦忠義民兵。於是陝西京東京西諸路人馬咸願聽澤節制。澤累表請帝還京。而帝用黃潛善計。決意幸東南。不報。東義郎岳飛犯法。將刑。澤一見奇之。曰。此將材也。會金人攻汜水。澤以五百騎授飛。使立功贖罪。飛遂大敗金人而還。澤陞飛為統制。謂之曰。爾智才勇藝。古良將不能過。然好野戰。非萬全計。因授飛陣圖。飛曰。陣而後戰。兵法之常。運用之妙。存乎一心。澤是其言。飛由此知名。岳飛上書請帝親率大軍北渡。恢復中原。坐



越職言事奪官。時張所為河北路招撫使。飛歸詣所。所問之曰。爾能敵幾何。飛曰。勇不足恃。用兵在先定謀。謀定後戰。歲不勝矣。所矍然曰。君殆非行伍中人。補飛為武經郎。張所使都統制王彥。率岳飛等十一將。部七千人渡河。至新鄉。金兵盛。彥不敢進。飛獨引所部鏖戰。奪其轟而舞。諸軍爭奮。遂復新鄉。明日戰於侯兆川。飛身被十餘創。士皆死戰。又敗之。會食盡。飛詣彥壁乞糧。彥不許。飛乃引兵益北。與金人戰於太行山。擒其將拓跋野烏。居數日。又與敵遇。飛單騎持丈八鐵鎗。刺死其將黑風大王。金人敗走。飛知彥不悅。已。遂率所部復歸宗澤。澤復以飛為統制。金主阿骨打第四子兀朮犯東京。東京留守宗澤遣將前後夾擊。大敗之。金自是不敢犯東京。澤前後請帝還京二十餘奏。每為黃潛善汪伯彥所抑。發憤成疾。疽發於背。諸將入問疾。澤矍然曰。吾以二帝蒙塵。憤憤至此。汝等能殲敵。我死無恨。連呼過河者三而卒。都人號慟。計聞。贈觀文殿學士。諡忠簡。澤子穎居戎幕。素得士心。都人請以穎繼父任。帝不許。令杜充代澤。充酷而無謀。悉反澤所為。於是豪傑離心。降盜復去。剽掠矣。張慙薦劉豫。起為濟南知府。豫不願行。請易東南一郡。執政不許。豫忿而去。金撻懶圍濟南。劉豫遣子麟禦卻之。撻懶遣人招豫以利。豫懲前忿。遂殺濟南驍將關勝。率百姓降金。百姓不從。豫縋城納款。帝以黃潛善汪伯彥為左右相。時金兵橫行。盜賊蠭起。二人皆不以聞。金粘沒喝入寇。圍徐州。知州王復死守。城陷。闔門百口皆被殺。詔劉光世阻淮以拒金。光世兵潰走還。金粘沒喝遂陷天長軍。報至。帝即披甲乘騎。馳至瓜洲。得小舟渡江。惟護聖軍卒數人及王淵張浚等從行。日暮至。

鎮江時汪伯彥黃潛善方率同列聽浮屠克勤說法或有問邊耗者猶以不足畏告之堂吏大呼曰駕已行矣二人相顧倉皇乃戎服策馬南馳居民爭門而出死者相枕藉無以怨憤司農卿黃鶚至江上軍士以為黃潛善罵之曰誤國誤民皆汝之罪鶚方辯其非是而首已斷矣太常少卿李陵自揚州奉太廟神主以行未數里回望城中煙焰燭天陵為金人所追亡太祖神主於金金人焚揚州而去帝如杭州黃潛善汪伯彥以罪免官以王淵同樞密院事扈從統制苗傅自負世為將以王淵驟遷顯職心不平之而劉正彥亦以招降劇盜功大賞薄怨上時內侍康履等妄作威福諸將嫉之中大夫王世修亦嫉內侍恣橫遂相與同謀伏兵殺王淵及內侍康履等刳帝傳位皇太子稹請元祐太后同聽政太后見傅等諭之曰今強敵在前吾一婦人於簾前抱三歲兒決事何以令天下傅等不從遂迫帝禪位於稹改元赦書至平江張浚知必有兵變謀起兵討之張浚亦知其偽即引所部至平江浚與傅語相持而泣赦書至江甯呂頤浩曰是必有變遣人寓書於浚且告劉光世於鎮江會韓世忠由海道將赴行在張浚曰世忠來吾事濟矣因白浚以書招之世忠以酒酹地曰誓不與此賊共戴天至平江見浚浚乃草檄聲苗傅劉正彥之罪與韓世忠張俊劉光世呂頤浩合兵討之傅等憂恐不知所為朱勝非勸之速請帝還宮可以免禍傅等遂帥百官朝帝於睿聖宮帝慰勞之苗傅劉正彥以手加額曰聖天子度量如是也遂請帝復位呂頤浩謂諸將曰今雖反正而賊猶握兵居內若不濟必反以惡名加我進敗苗翊於臨平苗傅劉正彥南走勤王兵入北關張浚呂頤

浩等入見。伏地涕泣待罪。帝問勞再三。解所服玉帶以賜張浚。斬吳湛王世修等。誅貶逆黨有差。帝至江甯府。韓世忠追獲苗傅劉正彥送行在。誅之。帝手書忠勇二字。揭旗以賜世忠。皇太子募卒。金人將渡江入寇。詔張浚屯襄鄧。唐鄧杜充韓世忠劉光世分屯江東以備金。帝如臨安府。金兀朮入建康。守臣杜充以降。帝聞充降。謂呂頤浩曰。事迫矣。可若何。頤浩因進航海之策。帝然之。遂如明州。明州今浙江鄞縣是也。金兀朮陷臨安。遣阿里蒲盧渾追帝於明州。帝航於海。次於定海縣。金阿里蒲盧渾陷越州。遂寇明州。張浚使統制楊沂忠迎戰於高橋。敗之。金人陷明州。屠其民。遂襲帝於海。追三百餘里。提領海州張公裕引大舶擊卻之。金人引還。帝走温州。江淮統制岳飛大敗金人於廣德。六戰皆捷。韓世忠以前軍駐青龍鎮。中軍駐江灣。後軍駐海口。欲俟兀朮師還擊之。及兀朮由秀州趨平江。世忠乃移師鎮江以待之。兀朮欲濟江。世忠謂諸將曰。此間形勢無如金山。龍王廟者。敵必登之。以覘我虛實。乃遣蘇德將百人伏廟中。百人伏廟下岸側。戒之曰。聞江中鼓聲。則岸兵先入。廟兵繼出。以合擊之。及敵至。果有五騎趨龍王廟。廟中伏兵先鼓而出。獲其兩騎。其三騎則振策而馳。馳者一人。紅袍玉帶。既墜復跳而免。詰諸獲者。則兀朮也。既而接戰江中。凡數十合。世忠妻親執桴鼓。敵終不得濟。擒兀朮之壻龍虎大王。兀朮懼。請盡歸所掠以假道。世忠不許。兀朮窘甚。或謂之曰。老鵲河故道。今雖湮塞。若鑿之。可通秦淮。兀朮從之。遂趨建康。岳飛以兵邀擊於新城。兀朮大懼。復出江中。兀朮窮蹙。祈請甚哀。世忠曰。還我兩宮。復我疆土。則可以相全。兀朮見海舟乘風使蓬。往來

如飛。謂其下曰：南軍使船如使馬，奈何？乃募人獻破海舟之策。如是，閩人王姓者，教以火箭射舟。遂世忠師潰。兀朮始克濟。世忠以八千人拒兀朮十萬之衆，凡四十八日而敗。金人自是不敢復渡江矣。兀朮既濟江，大肆焚掠，盡擄建康少壯婦女，自靜好鎮渡宣化而去。岳飛邀擊，大敗之，盡奪所掠而還。金主吳玠買廢徽宗為昏德公，欽宗為重昏侯，徙之韓州。又徙二帝於五國城。去金上京東北千里。宋使洪皓自雲中密遣人奏書，以桃梨栗麪等獻。二帝於五國城，始知康王即位焉。庚戌九月，太后鄭氏卒於五國城。後六年，太上皇卒。又四年，邢后亦卒於五國城。金立劉豫為齊帝，於大名府界以河南陝西之地。豫約世修子禮於金。初，秦檜從二帝至燕，金主以檜賜撻懶，為其任用。及南侵，以為參軍。檜妻王氏色嬌美而多智，與撻懶通。至是，撻懶縱秦檜還，使為內間。檜與妻王氏俱還，自言殺金人監已者，奪舟而來，遂航海至越州，求見帝。帝謂輔臣曰：檜忠朴過人，朕得之喜而不寐。喜得聞二帝母后消息，又喜得一佳士也。先是朝廷雖數遣使於金，但且守且和，而專意與敵解仇，息兵，則自檜始。金人欲窺蜀，劉子羽與吳玠、吳玠等扼險於鳳翔，大散關之和尚原。金人知有備，遂引去。金兀朮復攻和尚原，吳玠與弟璘伏兵夜擊，大敗之。兀朮中流矢，僅以身免，亟剝其鬚髯而遁。蜀賴以全。初，北宋行保甲之法，民有部伍，易聚為盜。北宋末，東南盜賊羣起。至是，張俊、岳飛大敗江淮賊李成等於樓子莊，復筠、江州。俊等復引兵渡江追成，至蘄州黃梅縣，又敗之。成北走降劉豫。張用率衆數萬降於岳飛。江淮悉平。閩賊范汝為入建州，韓世忠率步卒三萬水陸並進，直抵鳳凰山。五



日破之。范汝為死。閩地悉平。湖海賊曹成擁衆十餘萬。據道賀等州。岳飛擊敗之。成走邵州。適韓世忠既平范汝為。旋師忽由處信徑至豫章。連營江濱數十里。曹成大驚。率衆降於世忠。得戰士八萬。岳飛大敗盜彭友於雩都。贛州吉安等地悉平。飛入見帝。手書精忠岳飛字。製旗以賜之。太湖賊楊么僭號大聖天王。么與劉豫通。欲順流而下。帝以岳飛為荊南制置使。飛渡江中流。顧幕屬曰。飛不擒賊。不涉此江矣。既破李成。復受命討楊么。而所部皆西北人。不習水戰。飛曰。兵何常。顧用之何如。爾乃先遣使招諭之。其黨黃佐曰。岳節使號令如山。若與之戰。萬無生理。遂降。飛表授佐武義大夫。單騎按其部。拊佐背曰。子知順逆者。果能立功。欲復遣子至湖中。視其可乘者。擒之。可勸者。招之。席益疑飛玩寇。欲以上聞。浚曰。岳侯忠孝人也。兵有深機。胡可易言。益慚而止。黃佐襲周倫砦。殺之。飛表遷佐武功大夫。會有旨。召張浚還防秋。飛袖小圖示浚。浚欲俟來年議之。飛曰。已有定畫。都督能少留八日。可破賊。浚曰。何言之易。飛曰。因敵將破敵兵。奪其手足。離其腹心。是以易也。浚許之。會黃佐招楊欽全宗劉詵等降。夜掩賊營。降其衆數萬。么舟以輪激水。其行如飛。旁置撞竿。舟達之輒碎。飛散腐木亂草於水。以礙其輪。使不得動。遂大破之。么技窮。赴水死。果八日。而捷書至潭州。浚嘆曰。岳侯神算也。初么恃其險。官軍自陸路攻之。則入湖。自水攻之。則登岸。因曰。破我者除是飛來。至是以其言為讖云。湖湘既平。張浚還防秋。浚奏遣岳飛屯荊襄。以圖中原。時金兵少息。詔頒黃庭堅所書戒石銘於州縣。曰。爾俸爾祿。民膏民脂。下民易虐。上天難欺。令刻石文於州縣前。劉豫徙都汴。



京使其子麟以金兵寇淮南。帝以趙鼎為尚書右僕射兼知樞密事。趙鼎勸帝親征。帝從之。韓世忠大敗金人於大儀。帝自將禦金。次於平江。金齊之師日迫。張浚長驅至臨江。召劉光世、韓世忠、張俊等。各出師以禦金人。金人圍廬州。岳飛使牛皋救之。金兵敗走。時捷懶屯泗州。兀朮屯竹墩鎮。為韓世忠所扼。會雨雪。金饋道不通。野無所掠。殺馬而食。蕃漢軍皆怨憤。乃夜引師還。兀朮等既去。劉麟劉猷不能獨留。亦棄輜重遁。帝詔張浚曰：「趙鼎佐朕中興。真宰相也。以趙鼎、張浚為左右相。張浚會諸將於江上。遣張俊屯盱眙。韓世忠屯楚州。劉光世屯廬州。岳飛屯襄陽。楊沂中屯泗州。以圖中原。飛在襄陽。屢戰皆捷。遣牛皋復鎮汝軍。楊再興復河南長水縣。飛及偽齊李成、孔彥舟連戰皆敗之。至蔡州。克其城。飛遣王貴敗劉豫之衆於唐州。上疏請進軍恢復中原。帝不許。飛乃還鄂州。偽齊劉豫聞之大懼。恐其討已。告急於金。請先出師南侵。而乞師救援。金主亶召諸將議之。蒲盧虎曰：「先帝所以立豫者。欲其開疆保境。我得安民息兵也。今豫進不能取。又不能守。兵連禍結。愈無休期。從其請。則豫收其利。敗則我受其弊。奈何許之？」金主遂不許。豫而遣兀朮提兵黎陽以觀其變。於是豫僉鄉兵三十萬。分三道入寇。劉麟率中路兵。由壽春以犯合肥。劉猷率東路兵。由紫荊山出渦口以犯定遠。孔彥舟率西路兵。由光州以犯六安。劉猷至藕塘。楊沂中迎擊大破之。猷曰：「適見髯將軍。銳不可當。果楊殿前也。即與精騎遁去。」麟在順昌聞猷敗。亦拔砦去。楊沂中及王德秀追麟至南壽春而還。北方大恐。金人聞豫敗。來詰其狀。始有廢豫之意。岳飛知劉豫結粘沒喝而兀朮惡之。可以間

而動會中軍得兀朮謀者飛陽責之曰汝非吾軍人張斌耶吾先遣汝至齊約誘致四太子汝往不復來吾繼遣人問齊齊已許我今冬以會合寇江為名致四太子於清河汝所持書竟不至何背我耶謀冀緩死即詭服乃作蠟書因謂諜曰吾今貸汝復遣至齊問舉兵期刳股納書戒勿泄諜還以書示兀朮兀朮大驚馳白金主於是廢豫之意益決金人襲汴執劉豫而廢之立行臺尚書省於汴韓世忠岳飛請伐金收復中原不報初何鮮還自金始聞太上皇及太后之喪帝成服以王倫為奉迎梓宮使如金倫陛辭帝命倫謂撻懶曰河南陝西之地國既不有與其付與劉豫曷若見歸下國及金人執劉豫王倫還自金倫入對言金人許還梓宮太后及河南陝西地遂復遣之初趙鼎張浚並相後趙鼎罷而張浚獨相再後張浚罷而趙鼎獨相其後趙鼎為秦檜所賣言於帝以為檜可大任至是帝以秦檜為相而罷趙鼎專主和議而中興之望絕矣帝定都於臨安王倫與金使偕來議以河南陝西之地與宋有詔諭江南之名禮部侍郎曾開當草國書以太卑弱論之勿聽於是晏敦復尹焞朱松李綱等皆極言其不可胡銓抗疏極言貶於廣州秦檜以勾龍如淵為御史中丞以孫近叅知政事凡異己者盡劾去之而大權悉歸於檜矣和議成以王倫為東京留守倫至汴金人歸河南陝西之地以方庭實為三京宣諭使庭實至西京先朝陵寢自太祖以下皆遭發掘而哲宗至暴露庭實解衣覆之歸以白帝秦檜恨之張燾還自金帝問諸陵寢如何燾不答惟言萬世不可忘此賊帝默然秦檜患之二人俱坐貶兀朮言於金主曰撻懶蒲蘆虎主割河南陝西地與宋必有

陰謀。今宋使在汴。勿令遁境。倫聞之。即遣介具言於朝。會孟廣至汴。倫即使庾權留守之任。而身為使者。赴金國議事。會撻懶反。金人遂執倫索還河南陝西地。倫力拒之。金欲倫降。倫不屈。冠帶南向。再拜慟哭曰。先臣文正公。且以直道輔兩朝。臣何敢辱命。遂就死。金兀朮撒離喝分道入寇。復陷河南陝西諸州郡。東京副留守劉錡率所部四萬人赴東京。至渦口。聞金人敗盟南下。錡與將佐舍舟陸行。急趨至順昌。諜報東京已降。知府陳規見錡。問計。錡曰。城中有糧。則能與君共守。規曰。有米數萬斛。錡曰。可矣。乃與規議。斂兵入城。為守禦計。時守備一無可恃。錡督取車輪。埋城上。又撤民戶扉。周匝蔽之。凡六日。粗畢。而金兵遂圍城。錡夜遣千餘人擊之。殺敵頗眾。既而金烏祿以兵三萬來薄城。錡用破敵弓。翼以神臂弩。射卻之。復以步兵邀擊。溺河死者。不計其數。金兵乃移砦於李村。錡遣閭充募壯士五百。夜斂其營。是夕天欲雨。雷光四起。見辮髮者。輒殲之。復募百人。折竹為踞。如兒戲。人持一為號。直入。乘雷奮擊。聞吹踞聲。即聚。雷止。則匿而不動。敵眾大亂。於是終夜自戰。積屍盈野。退軍老婆灣。兀朮在汴聞之。即索靴上馬。帥十萬眾來援。兀朮至城下。責諸將喪師之罪。眾皆曰。南朝用兵。非比昔日。元帥臨城。自見。錡遣耿訓以書約戰。兀朮怒曰。劉錡何敢與我戰。以吾力破汝城。直用靴尖踢倒耳。耿訓曰。太尉非但請與太子戰。且謂太子必不敢濟河。願獻浮橋五所。濟而大戰。遲明。錡果為五浮橋於潁河上。敵由之以濟。錡遣人毒潁水上流。及草中戒軍士。雖渴死。毋得飲於河。時大暑。敵遠來疲弊。人馬飢渴。食水草者輒病。錡士氣閒暇。軍皆分番休息。方晨。按兵不動。待

未申時。敵力疲氣索。方出接戰。以銳斧犯之。敵大敗走。死者數萬。是夕大雨。平地水深尺餘。兀朮遂走還汴。韓世忠遣兵復海州。張俊使王德復宿州。德乘勝入亳州。岳飛收復河南州郡。留大軍於潁昌。命諸將分道出戰。自以輕騎駐鄆城。兀朮合龍虎大王蓋天大王及韓常之兵逼鄆城。飛遣子雲領騎兵直貫其陣。雲與金人戰。凡數十合。金屍布野。兀朮以拐子馬萬五千來。飛戒步卒以麻札刀入陣。勿仰視。第砍馬足。拐子馬相連一馬仆。二馬不能行。飛軍奮擊大破之。兀朮大慟曰。自海上起兵。皆以此勝。今已矣。憤甚。復合師十二萬。侵潁昌。飛使王貴及子雲又大敗之。兀朮夜遁。追奔十五里。中原大振。飛使梁興渡河。會太行忠義兩河豪傑。敗金人於垣曲。又敗之於沁水。遂復懷衛州。太行道絕。金人大恐。飛又大敗兀朮於朱仙鎮。兀朮走還汴。飛遣使修治諸陵。兀朮欲棄汴北去。有書生叩馬曰。太子毋走。岳少保且退矣。兀朮曰。岳少保以五百騎破吾十萬。京師日夜望其來。何以得退。生曰。自古未有權臣在內。而大將能立功於外者。岳少保且不免。況欲成功乎。兀朮悟。遂留不去。時梁興會太行兩河豪傑。結忠義社。中原盡磁相澤潞晉汾隰衛之境。皆期日興兵與官軍會。其所揭旗。皆以岳為號。父老百姓爭挽車牽牛載糗糧以饋義軍。自燕以南。金人號令不行。兀朮欲僉軍以抗飛。河北無一人應者。乃歎曰。自我起北方以來。未有如今日之挫衄。金將烏陵思謀素號驍勇桀黠。亦不能制其下。但諭之曰。無輕動。俟岳家軍來。即降。金將王鎮崔慶及韓常等皆以衆內附。飛大喜。語其下曰。直抵黃龍府。與諸君痛飲耳。時金主亶縱酒荒淫。將士離心。蒙古兵起。國勢稍弱。善



將者不過兀朮一人。大有可為之機。而秦檜方欲盡淮以北與金為和。諷臺臣奏請諸將班師。且知飛志銳不可回。上言飛孤軍不可久留。乞速召還。於是飛一日奉十二金字牌。飛憤極泣下。東面再拜曰。十年之力。廢於一旦。良可惜也。乃自郾城引兵還。民遮馬慟哭。訴曰。我等戴香盆。運糧以迎官軍。金人皆知之。相公去。我輩無噍類矣。飛亦悲泣。取詔示之曰。吾不得擅留。哭聲震野。飛留五日。以待民徙。從而南者如市。飛亟奏以漢上六郡閒田處之。飛還。飛所新復河南府州縣。復為金有。飛至鄂。力請解兵柄。勿許。已而入覲。帝問之。飛拜謝而已。秦檜力主和議。恐諸將難制。欲盡收其兵柄。乃罷韓世忠。張俊為樞密使。岳飛為副使。罷劉錡。知荆南府。時兀朮遣秦檜書曰。汝朝夕以和請。而岳飛方為河北圖。必殺飛。乃可和。檜亦以飛不死。終梗和議。已必及禍。故力謀殺之。遂諷諫議大夫万俟卨等交章論飛。奉旨援淮西。畏敵逗留。罷為萬壽觀使。奉朝請。秦檜必欲殺飛。乃與張俊謀。密誘飛部曲。能告飛者。優以重賞。卒無應者。聞飛統制王俊善告計。號雕兒。使人諭之。王俊許諾。乃自為狀。付王俊。妄言副都統制張憲。謀據襄陽。還飛兵柄。執憲赴鎮江。行樞密府鞠之。憲被掠無完膚。竟不伏。檜矯詔召飛父子證憲事。飛笑曰。皇天后土。可表此心。遂與雲就大理獄。檜命中丞何鑄。大理卿周三畏鞠之。鑄引飛至庭。詰其反狀。飛裂裳以背示鑄。有舊捏盡忠報國四大字。深入膚理。既而閱實。俱無驗。鑄察其冤。白之檜。檜曰。此上意也。鑄曰。強敵未滅。無故戮一大將。失士卒心。非社稷之長計。檜乃改命万俟卨。卨素與飛有怨。遂誣飛。令于鵬孫革致書張憲。王貴。令虛申探報。以動朝廷。

雲與憲書。令措置使飛還軍。且云。其書已焚。飛坐繫兩月。無可證者。大理卿薛仁輔等。皆言飛無辜。判宗正寺齊安王士傑。請以百口保飛。皆不聽。韓世忠心不平。詰其實。檜曰。飛子雲與張憲書。雖不明。其事體莫須有。世忠曰。莫須有。三字。何以服天下也。韓世忠抗疏言。秦檜欺君誤國之罪。檜諷言官論之。遂罷為醴泉觀使。世忠自是杜門謝客。絕口不言兵。時跨驢攜酒。從一二童僕。縱遊西湖。以自樂。平時將佐。罕見其面。十餘年卒。時歲已暮。而飛獄不成。一日。檜手書小紙付獄。即報飛死矣。年三十九。雲與張憲皆棄市。凡訟飛冤者。或黜或死。傳成其獄者。皆進秩。洪皓在金。以蠟書奏言。金人所畏服者。惟飛。及聞其死。諸酋皆酌酒相賀。飛事親至孝。立志慷慨。以必取中原為念。自奉甚薄。凡有所欲。為乞諸統制與之謀。謀定而後戰。故無不勝。猝遇敵不動。故敵為之語曰。撼山易。撼岳家軍難。張俊嘗問用兵之術。飛曰。仁智信勇嚴。闕一不可。飛好賢禮士。博覽經史。雅歌投壺。恂恂若一書生。然忠憤激烈。議論持正不阿。卒以此得禍。云和議成。以何鑄簽書樞密院事。奉表稱臣於金。又割唐鄧商秦之地畀金。鑄等陛辭。帝召至內殿。諭之曰。朕北望庭闈。無淚可彈。卿見金主。當言慈親之在上國。一老婦人耳。在本國。則所繫甚重。以至誠說之。庶彼有感。鑄至金。首以太后為請。金主曰。先朝業已如此。豈可輒改。副使曹勛再三懇請。金主乃許之。遂遣何鑄還。金使人以袞冕來冊帝為大宋皇帝。歸徽宗皇帝。及徽宗后鄭氏。帝后邢氏之喪。帝生母韋氏自金歸。居於慈甯宮。立貴妃吳氏為皇后。后開封人。習書史。善翰墨。才色俱全。當戎服侍左右。帝甚愛之。帝憐邢后在金。故虛中宮以

待之。至是始立吳氏為后。自是稱臣奉貢。邊境稍甯。秦檜自以為太平莫大之功。專以忌刻貶逐忠良為事。檜趨朝。義士施全挾刃於道。遮檜肩輿刺之。不中被殺。秦檜必欲殺趙鼎。李光。胡銓。張浚等。及鼎卒。而憾不已。下鼎子汾等於大理獄。誣與張浚。李光。胡寅。胡銓等五十三人謀大逆。獄成。而檜病不能書。得釋。詔封秦檜為建康王。是夕。秦檜死。檜居相位十九年。刳制君父。倡和誤國。一時忠臣良將。誅鋤略盡。開門受賂。富敵於國。外國珍寶。死猶及門。晚年殘忍尤甚。數興大獄。檜以妻妬無子。以內姪王熺為子。至是勒令致仕。黜其親黨之在位者。檜墓在金陵江甯鎮。歲久榛蕪。至明成化乙巳秋八月。為盜所發。獲財貨以鉅萬計。盜被執。有司故出其罪。檜與妻王氏偕用水銀飲。顏色如生。有司陰令人碎其屍。分投於各處廁中。亦一快事也。金完顏亮弑金主亶而自立。且欲併宋為一統。乃密隱畫工於奉使中。傳寫臨安湖山以歸。為屏圖。已像於吳山絕頂。題詩其上。有萬里車書盡混同。江南豈有別疆封。提兵百萬西湖上。立馬吳山第一峯之句。因遣使徵諸道兵。遂遷都汴京。宋欽宗卒於金。欽宗后朱氏生皇子訓於五國城。在金不知所終。金主亮欲南侵。太后徒單氏諫之。亮弑太后。遂大舉帝問之。金曰。趙桓今已死矣。始聞靖康帝之喪。金主亮欲南侵。太后徒單氏諫之。亮弑太后。遂大舉入寇。衆六十萬。號百萬。遠近大震。兩淮失守。金主亮帥大軍臨采石。江上誓師。明日濟江。會虞允文奉命往蕪湖迎李顯忠。交王權軍。且犒師采石。允文至采石。王權已去。顯忠未來。敵騎充斥。官軍三五星散。允文為坐待顯忠。則誤國事。遂立招諸將。勉以忠義。衆請死戰。乃命諸將列陣。部分甫畢。敵

已大呼。麾數百艘。絕江而來。抵南岸。直薄宋軍。軍少卻。允文入陣中。撫統制時俊之背曰。汝胆略聞四方。立陣後。則兒女子爾。俊即揮雙刀出。士殊死戰。中流宋軍以海艚船衝敵舟。皆平沈。敵半死。半戰日暮未退。會有潰卒自光州至。允文授以旗鼓。從山後轉出。敵疑援兵至。始遁。允文又命勁弩尾擊。追射大敗之。亮乃率軍趨揚州。金人怨金主亮之暴虐。另立曹國公烏祿為帝。更名雍。下詔暴金主亮罪惡數十事。遣兵絕其歸路。金主亮至瓜洲。召諸將約以三日濟江。否則盡殺之。軍士危懼。又聞曹公烏祿即位於遼陽。遂共謀殺亮。金師渡淮北還。金主雍遣使來聘。宋遣起居舍人洪邁使金。以賀金主登極。且請河南地。欲正敵國之禮。金主不從。初二帝北轅。金以玉牒追捕太宗之後。鮮克全者。惟高宗得脫。高宗止有元懿太子勇三歲而卒。帝無子。選太祖子秦王德芳五世孫偁之子伯琮。命張婕妤鞠之。生六歲矣。封為普安郡王。王天資英明。豁達大度。平居服御儉約。每以經史自適。騎射翰墨。皆絕於人。至是已三十歲矣。帝知其賢。更名瑗。立為皇姪。未幾更名昀。立為皇太子。帝在位三十六年。傳位於皇太子。自稱太上皇。退居德壽宮。謂群臣曰。付托得人。吾無憂矣。後又二十五年崩。昀即位。是為孝宗。追復岳飛官爵。以禮改葬。官其孫六人。帝銳意恢復。以張浚為樞密使。都督江淮軍馬。開府建康。張浚入見。謂金人至秋必為邊患。當及其兵未發攻之。帝然其言。史浩阻之。勿聽。乃議出師。渡淮。會李忠顯邵宏淵亦獻擣虹縣靈壁之策。帝命先圖二城。浚乃遣顯忠出濠州。趨靈壁。宏淵出泗州。趨虹縣。金都統蕭琦用拐子馬來拒。顯忠與之力戰。遂復靈壁。顯忠入城。宣布德



意不戮一人。於是中原歸附者接踵。宏淵圍虹久不下。顯忠遣靈壁降卒。開諭禍福。金守將乃出降。宏淵恥功不自己出。會有降千戶訴宏淵之卒奪其佩刀。顯忠立斬之。由是二將不協。李顯忠敗金蕭琦於宿州。獲之。復其城。捷聞。帝手書勞張浚曰。近日邊報。中外鼓舞。十年來。無此克捷。金宇撒復。率步騎十萬來攻宿州。李顯忠率所部力戰卻之。邵宏淵恥前功不自己出。因按兵不動。且顧衆曰。當此盛夏。搖扇之不暇。奚暇被甲苦戰乎。人心遂搖。無復圖志。諸將各遁。顯忠知勢不可孤立。遂夜引還。至符離。師大潰。所喪軍資器械殆盡。張浚還揚州。上疏自劾。帝以符離師潰。乃議講和。因賁張浚浚行次餘干。得病。數日卒。帝遂決意定和。蓋時值金主雍之賢。無可乘之釁。適金遣使來責兼督歲幣。帝遣魏杞至金。正敵國之禮。易表為書。改臣稱姪。減歲幣十萬而還。於是南北講好。俱得休息矣。帝聰明英毅。節用愛民。好學勤政。聽言納諫。崇儒重道。疎斥宦官。嚴防賊吏。逸慾之事。毫無可指。為南宋之賢君。以虞允文梁克家陳俊卿等為相。境內治安。人民樂業。朱熹資治通鑑綱目成。上之熹字元晦。婺源人。今安徽婺源縣是也。少有求道之志。父松知饒州。疾亟。囑熹曰。胡憲劉勉之。劉子輩三人。學有淵源。吾所敬畏。我死。汝宜師之。熹遂往學焉。憲安國從子。高宗時。禁伊洛之學。憲與勉之求得程頤書。潛抄默誦。夜以繼日。勉之結草堂讀書其中。力耕自給。澹然無求於世。子輩。給仲子勉之。與憲子輩日相往來。講學學者踵至。勉之以女妻熹。熹得道統之正。自勉之始。熹又聞建平府李侗學於羅從彥。從彥學於楊時。楊時學於程顥。程顥遂徒步往從侗。得大學及中庸語孟之傳。乃